

Kerjasama strategik Agrobank, UPM

Kuala Lumpur: Agrobank terus memfokus kepada sektor pertanian Malaysia apabila menandatangani Memorandum Persefahaman (MoU) dengan Universiti Putra Malaysia (UPM) bagi memperkukuhkan perikatan strategik untuk bekerjasama membangunkan industri pertanian negara.

Ketua Pegawai Eksekutifnya, Datuk Wan Mohd Fadzi Wan Othman berkata, perkongsian pintar itu adalah selaras dengan peranan Agrobank dalam mempertingkatkan sektor pertanian.

Beliau berkata, secara keseluruhan ia juga demi merealisasikan hasrat kerajaan untuk sektor pertanian se-

bagai enjin ketiga pertumbuhan negara.

“Kerjasama antara Agrobank dan UPM, terutama Fakulti Pertanian adalah satu langkah penting dalam meningkatkan sinergi antara penggiat industri dan pihak akademik.

“Ini bagi menerajui sektor pertanian ke hala tuju yang tepat serta memberi peluang kepada generasi muda untuk meneroka peluang kerjaya dalam bidang pertanian dan perniagaan berasaskan pertanian,” katanya dalam kenyataan dikeluarkan.



PERTUKARAN MoU
Mohd Fadzi (kiri)
bersama Naib
Conselor UPM, Prof
Dato Dr Mohd Fauzi
Ramlan.